

Broj: 01-31/13-2329/25 SK/ASDŽ
Sarajevo, 17.10.2025. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI DOM
n/r gđin Dragan Mioković, predsjedavajući
n/r gđin Slaven Raguž, zastupnik

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 20-10-2025			
Org. jed.	Broj	Priloga	Vrijednost
05/1	-02-	498	125

VLADA FEDERACIJE BOSNE I HERCEGOVINE
n/r gđa Edita Kalajdžić, sekretar

Predmet: Odgovor na zastupničku inicijativu, **dostavlja se-**

Veza: Akt predsjedavajućeg Predstavničkog doma Parlamenta Federacije Bosne i Hercegovine, broj: 05/1-02-498/25 od 29.09.2025. godine i akt sekretara Vlade Federacije Bosne i Hercegovine, broj: 03-04-1646-15/25 od 01.10.2025. godine

Poštovani,

Aktima broj i datum veze, Federalnom ministarstvu rada i socijalne politike dostavljena je Inicijativa Slavena Raguža, zastupnika u Predstavničkom domu Parlamenta Federacije Bosne i Hercegovine, koju je podnio na 24. redovnoj sjednici Predstavničkog doma Parlamenta Federacije Bosne i Hercegovine, održanoj 25.09.2025. godine. U skladu sa naprijed navedenim aktom, Federalno ministarstvo rada i socijalne politike je odmah po prijemu navedene Inicijative zatražilo izjašnjenje od Centra za socijalni rad povodom iznesenih navoda, te je dana 15.10.2025. godine zaprimljen Odgovor u kojem je konstatovano:

-Centar za socijalni rad je dana 15.09.2025. godine, a isti dan po zaprimljenoj pismenoj obavijesti od strane policijske uprave, kao i treće osobe, započeo rad na predmetu zaštite djeteta u skladu sa Smjernicama za postupanje u slučajevima nasilja nad djecom u Bosni i Hercegovini koje su 2013. godine usvojene od strane Vijeća ministara;

-Tokom rada na predmetu ostvarena je multisektorska saradnja sa policijskom upravom, kantonalnim tužilaštvom, obrazovnom i zdravstvenom institucijom, te primjedbu da centar ne djeluje multisektorski smatraju potpuno neutemeljenom;

-S obzirom da osumnjičeni počinitelj nasilja nije član primarne porodice niti boravi u istom kućanstvu gradu niti kantonu, prema procjeni stručnog tima Centra nije bilo potrebe za mjerom u vidu privremenog udaljenja iz kuće, smještaja mlđb. djeteta kod rodbine ili u sigurnu instituciju koja je ponuđena roditeljima mlđb. djeteta;

-Sve radnje su poduzete u saradnji sa kantonalnim tužilaštvom;

-Prema procjeni stručnog tima centra za socijalni rad nije bilo potrebe za pokretanjem postupka oduzimanja roditeljske skrbi jer u konkretnom slučaju roditelji vode adekvatnu brigu o djetetu;

-Centar za socijalni rad pruža kontinuirano od dana dobijanja saznanja o navedenom slučaju usluge savjetovanja, podrške i psihološke pomoći za navedenu porodicu, te će se urađeni Plan zaštite djeteta i Plan podrške porodici nastaviti pratiti i po potrebi revidirati.

Centar za socijalni rad u svom aktu ukazuje da je ovakav istup u javnosti, koji je za posljedicu imao razne medijske članke, dodatno opteretio porodicu žrtve, te ugrozio prava maloljetnika.

U vezi sa zahtjevom da Ministarstvo uradi inspekcijski nadzor nad radom centara za socijalni rad radi provjere postupanja u slučajevima zaštite djece, želimo pojasniti da Ministarstvo, kao drugostepeni organ u sistemu socijalne zaštite, ne raspolaže nadležnostima za inspekcijski nadzor nad radom centara. Ministarstvo prati i nadzire samo upravne akte koje centri donose u konkretnim postupcima, u skladu s odredbama materijalnih propisa i Zakona o upravnom postupku. Naravno, svjesno važnosti profesionalnog nadzora i kontinuiranog unapređenja kvalitete rada centara za socijalni rad, Ministarstvo je iniciralo izmjene i dopune Zakona o inspekcijama Federacije BiH, kojima se predviđa uspostava federalne inspekcije za socijalnu i dječiju zaštitu. Svojim Zaključkom V. broj: broj:1293/2023 od 21.09.2023. godine predmetnu je inicijativu prihvatila Vlada Federacije BiH. Na osnovu navedenog Zaključka federalni ministar pravde je imenovao interresornu radnu grupu za izradu izmjena i dopuna Zakona o inspekcijama Federacije Bosne i Hercegovine na način da se ovim propisom uspostavi federalna inspekcija za socijalnu, dječiju i porodično-pravnu zaštitu. U vezi sa navedenim, Ministarstvo nema daljih informacija o razlozima zbog kojih urađene izmjene i dopune Zakona o inspekcijama nisu upućene u daljnju proceduru razmatranja i usvajanja. Zaključno: kako bi se uspostavio federalni inspektorat nadležan za provedbu nadzora u oblasti socijalne, dječje i porodično-pravne zaštite, potrebno je izvršiti izmjene i dopune Zakona o inspekcijama, a što je u nadležnosti Federalnog ministarstva pravde.

U pogledu zahtjeva za osiguranjem dodatne edukacije i stručne podrške socijalnim radnicima u postupanju s žrtvama nasilja ovim putem Vas obavještavamo da je Ministarstvo donijelo Program obuke stručnih radnika u sistemu socijalne i dječje zaštite fokusiran na zaštitu od nasilja u porodici i rodno zasnovanog nasilja broj:05-31/10-2270/22 od 13.02.2024. godine koji je objavljen na web stranici Ministarstva. Razlog donošenja istog proizilazi iz potrebe jačanja profesionalnih kompetencija stručnih radnika u centrima za socijalni rad i općinskim službama socijalne zaštite u postupanju prema žrtvama i počiniocima porodičnog nasilja. Na osnovu navedenog Programa, Ministarstvo je u 2025. godini obezbijedilo sredstva za provođenje navedenog Programa u organizaciji Saveza socijalnih radnika Federacije Bosne i Hercegovine.

S poštovanjem,



Dostavljeno:

- Naslovu
- a/a